


# ادبیات عمومی و تجربی

هفته‌لق سیاسی ، ادبی و علمی غزته‌در

جلد : ۱

سنه : ۱      ۲۰ صفر ۱۳۳۵      جمعه ایرتسی      ۳ کانون اول ۱۳۳۲      نومرو ۷



نشان طاشی ، ۲ کانون اول ۱۹۱۶

محب نجیم جلال نوری بك ،

« ادبیات عمومی و تجربی » نك ايلك نسخه‌سنى او قوركن ، بر صحیفه‌سنده کی اعجوبه‌دن طولانی  
رنجیده ذوق اولدیغنی سزدن کتم ایتمشدم . دائماً استقباله و دائماً کماله معطوف اولسنى ایستدیگم  
انظار ذکا کزی ، شونك بونك انقاص ضلالی اوزرنده بر دقیقه ، بر ثانیه اولسون کزینیر کورمک  
بی متأثر و مشتکی ایدر .

فقط نسخ‌تالیه ؛ انفعالی تسکین‌ایله آرزولرمی تطمین ایتدی . احتوا ایتدیکی مباحث ، اصحاب  
اختصاص طرفندن مدققانه یازلمش ؛ حادثات جاریه‌بی کونی کونه تعقیب ایدر بر مجموعه‌یه بوقومک  
احتیاجی واردر . اویله‌ظن ایدیور و کوریورم که « ادبیات عمومی و تجربی » او احتیاجک مطرد بر واسطه  
استیفاسی اوله‌جق . بوعاجزی معاونین قلمیه‌سندن زیاده ، قارئین متشکرها سی میاننده کوررسه جداً  
افتخار ایدرم .

هر مقاله‌کی اوچنجی نسخه‌ده کی ( چیچک انجمن داشی ) بندینی‌ده دقتله او قودم . اجداد منک  
مفاخره‌حسیه‌سی میاننده بحق لائق تعداد اولان شکوفه پرستلک حقنده تدقیقات دورادوره مستند  
معلومات ایله جواد رشدی بك تاریخمزه خدمت ایدیور . لاله‌حقنده کی تدقیقاتی نه قدر قیمتمدار! . .  
کاشکی ( لاله ) نك ادبیات ایله مناسبتی تدقیق و تعیین ایده‌جک بر صاحب همت ده‌ا اولسه ! . . . .  
شوکت بحارینک ،

زان برق بی نمود جهان لاله‌زار شد  
کلشن پراز کل است و بهار از میان گم‌است ! . . .

بیت لطیفند آکلاشدیغنه کوره ، عجمک خیال رقیقی ، لاله بی شمشکدن متولد ظن ایدرمش .  
شعرك منحصراً حقیقته استقناذ ایتسنی ایستینلرک ذوق و ذهابنه بن هیج بر وقت تردیف قناعت  
ایتمدم . بونک ایچوندرکه بخارا امیرینک فرزند دربردی طرفندن ابداع ایدلمش اولان شوایکی مصراع ،  
دنیا ده اک چوق سودیکم بدایع ادبیه دندر .

سعی الی الابد مشکور اولسون ، احمد رفیق بک ( لاله دوری ) ایله بو مملکتک هم تاریخنه  
هم حیات عرفانه بک بیوک خدمتار ایتدی . بزده ایلاک آچلمق ایستین عیون انتباهی ، سلطان  
احمد ثالث دور سلطنتی کی واونکله برلکده قاپادانلر ، ایکی عصره قریب بر مدتی ده ، اک عزیمکار  
وجدانلرده اعمال اولنمش افترا لرله اغفال و اضلال ایتکه موفق اولملریدی . احمد رفیق بک ، حقایقک  
اوستنه آتیلان ردای اعتراضی قلمنک اوجیله قالدیردی . اعتراف اولسون که بر جلادت مدنیه دره .  
شوره رکسنزله زولانک ( دره نفوس ) مسئله سنده کوستردکلی عزم وهمتی ، کنج مورحمز  
( لاله دوری ) نده اراثة ایتدی .

تاریخک وجدانلرده تولید ایتدیکی سوؤ ظنی ازاله یه بعضاً برقاچ عصر بیله قدرتیاب اوله میور .  
ایشته زواللی ( حجاج ) که اک بیوک امرای اسلامیه دن ایدی ، امویلر علیهنده کی پروپاگاندا جیلرک  
شامت افتراسیله ناصیه نامه ( ظالم ) یافته سی یاشدیرلمش ، اعصار اورتیه سنده بغیرحق شهر  
اولنوب طورییور ! . . .

جتمکان سلطان احمد خان ثالث حضرتلرینک تاریخ سلطنتی یکی وثائقه ابتدا ایله تدقیق و تدوین  
اولنغه مستحق در . نم اعتقادیمجه بر حکمدار ، افعال واجرا آتیه اکثریا کندی نفسندن زیاده  
خلفنک نکبت ویا موفقیتنی احضار ایدر . سلیمان قانونینک عظمت واجلالی ، نصل پدر عظیم الشانک  
میراث جلیلی ایسه ، سلطان محمود اولی نادرشاهه غالب وبرجوق مفاخره صاحب ایدن مظفریتده  
عم بزر کوارینک اوله بر تحفه مشکوره سی در .

یگیچریلکی الفا ایله دولته اک متین بر خطوه تجدد آتدیران ، کسوه بی تغییر ایله غزته بی  
احداث ایدن وبخصوص الحصوص رشید پاشانی یتشدیرن سلطان محمود ثانی یه خلف اولماسه یدی ،  
سلطان عبدالحمید مرحوم نه تنظیماتی اعلان ایده بیلیر ، نه اوروپانک مهم بر قسمی دب شمالینک  
قارشیه مساجاً جیقارمق کی ، تاریخمزمک اوصحیفه یکانه موفقیتنی کندی دورینک وقایعنامه مباهاته  
علاوه ایتکه مغبوط الاسلاف اولوردی ! . . .

بونلری یچون یازیورم بیلیم ؛ . . مقصدم ( چیچک انجمن دانشی ) صاحبی جواد رشدی  
بکه تشکر ایتک وبرده احمد رفیق بک عزیزمزدن حقیقی بر ( سلطان احمد ثالث ) تصویر هایوتنی  
ایستمکدی .

سلیمان نظیف

